

中藏經


全冊

漢華元化撰

中藏經

內照法附

江左書林校刻





重刊中藏經叙

荆山之璧。由卞和傳。豐城之劍。以雷煥聞。
蓋物之隱顯。雖自有時。亦俟其人焉耳。如
華祖師中藏經。其然哉。傳云。師授諸異人。
遂以神鑒名。游其門者。吳晉樊阿輩。亦能
究心元妙。淡入奧旨。迨祖師之遭禍也。外
孫鄧氏藏其書。惜性作所嗜。術無施焉。它

若戶樞五禽等說世多傳之。至今不替。獨
是書人疑其恠竒。幾湮沒無聞矣。上虞徐
君舜山者。嗜古好奇。隸憲方書。嘗游海上。
偶得此書善本。還秘青囊。既而謂與其私
於一人也。盍若公於衆人。於是較其錯訛。
補其闕漏。標明攷證。重付剞劂。俾流傳海
內。元化之灋。復顯於世。宜與難經並行焉。

時維

光緒六年歲次庚辰嘉平月上澣樸弈居
士書於海上之寄鶴巢



重刊中藏經自叙

嘗觀范文正曰不為良相願為良醫而陸宣公在忠州亦惟手校方書每歎古人濟世之心先後因揆僕劣不習鑿而濟世一念耿々于中每見海內方書則購而藏之方之效者珎而錄之以為庶可濟人之急然而古人奇方尤以不及見為恨且自愧不能為良醫雖藏之多而何所取

擇乎。近游滬上。偶得華祖師中藏經一帙。閱
之。實為內經羽翼。本艸津梁。司命之家。其可
一日缺乎。夫醫之為術。臨病之際。變化百端。
非惟以文字傳。難以言語傳。亦不易矣。故古
聖之為書也。寓意于不偏之經。求義于不倚
之理。將令達者神而明之。存乎其人。況祖師
名重當時。其術載在史傳。扁華之書。為醫

者豈可廢乎。僕恐其年久湮沒。致同青囊之憾。是以即付手民。重為校刊。並附內照法于后。公諸海內。聊以誌私洲前賢濟人之心于萬一云爾。

光緒六年歲在庚辰仲夏蘭阜山樵舜山徐沛自書于滬上客次



中藏經

應靈洞主探微真人少室山鄧處中序

華先生諱佗字元化性好恬淡喜味方書多遊名山幽洞往往有所遇一日因酒息于公宜山古洞前忽聞人論療病之法先生訝其異潛逼洞竊聽須臾有人云華生在邇術可付焉復有一人曰道生性貪不憫生靈安得付也先生不覺愈駭躍入洞見二老人衣木皮頂草冠先生躬趨左右而拜曰適聞賢者論方術遂乃忘歸況濟人之道素所好爲所恨者未遇一法可以施驗徒自不足耳願賢者少察愚誠乞與開悟終身不負恩首

坐先生云術亦不惜恐異日與子爲累若無高下無貧富無貴賤不務財賄不憚勞苦矜老恤幼爲急然後可脫子禍先生再拜謝曰賢聖之語一一不敢忘俱能從之二老笑指東洞云石牀上有一書函子自取之速出吾居勿示俗流宜祕密之先生時得書回首已不見老人先生懾怯離洞忽然不見雲奔雨瀉石洞摧塌旣覽其方論多奇怪從茲施試效無不存神先生未六旬果爲魏所戮老人之言預有斯驗余迺先生外孫也因弔先生寢室夢先生引余坐語中藏經真活人法也子可取之勿傳非人余覺驚怖不定遂討先生舊物獲石函一具開之得書

一帙。迺中藏經也。予性拙於用。復授次子思。因以志其實。甲寅
秋九月序。

中藏經目錄

應靈洞主探微真人少室山鄧處中序

第一卷

人法於天地論第一

陰陽大要調神論第二

生成論第三

陽厥論第四

陰厥論第五

陰陽否格第六

寒熱論第七

虛實大論第八

上下不寧第九

脈要論第十

五色脈論第十一

脈病內外證訣第十二

生死要論第十三

病有災恠第十四

水法有六第十五

火法有六第十六

第二卷

風中有五生五死第十七

積聚癥瘕雜蟲第十八

勞傷論第十九

傳尸第二十

論五臟六腑寒熱虛實死生逆順之法第二十一

論肝臟虛實寒熱生死逆從脈證之法第二十二

論膽虛實寒熱生死脈證之法第二十三

論心臟虛實寒熱生死逆順脈證之法第二十四
論小腸虛實寒熱生死逆順脈證之法第二十五
論脾虛實寒熱生死逆順脈證之法第二十六

第三卷

論胃虛實寒熱生死逆順之法第二十七
論肺臟虛實寒熱生死逆順之法第二十八
論大腸虛實寒熱生死逆順之法第二十九
論腎臟虛實寒熱逆順生死之法第三十
論膀胱虛實寒熱逆順生死之法第三十一

論三焦虛實寒熱逆順生死之法第三十二

論痺第三十三

論氣痺第三十四

論血痺第三十五

論肉痺第三十六

論筋痺第三十七

論骨痺第三十八

論治中風偏枯之法第三十九

論五疔狀第四十